



Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XXV. Epistola S. Ignatij de Obedientia ab vno de Societate impugnatur.

urn:nbn:de:hbz:466:1-10840

tis imperio ac iudicio oportebit: in quo tamen si minus acquiesco, quicquid mea me cogit opinio sentire, leponendum est in duorum aut trium consilium, & eorum sententiae inhærendum: si ne id quidem mihi satisfacit, absum planè ab ea virtute longissimè, quam religiosi status præstantia exigit.

7. Denique meus esse non debeo, sed eius à quo sum conditus, & eius cui me regendum credidit, & cuius perinde arbitrio agendum me permittere debeo, ut si totus ex cera forem, quicquid me fieri voluerit: dare aut accipere literas; hunc, illumve alloqui, aut abstinere ab eius colloquio, & eius genetis alia: reponenda mihi est pietatis mæ, & prompti animi summa in capessendo quicquid mihi iniungitur.

8. Habere me pro cadauere debedo cui nec velle est, nec intelligere; pro crucifixi breui simulachro, quod sinit quaqua versum pro libito se agi; pro senis baculo, quem vbicumque commodum adhibet & reponit; ita me opus est religioni ad nutum seruire, vbicumque sibi commodare me posse censuerit.

9. Nec loca debedo, nec munera occupationes, meo delectu ab superioribus petere. Possum quidem mentem, ac desiderium iis exponere, dumtaxat omnia velut eorum pedibus aduoluens, consultissimum habiturus, factuque optimum, quicquid à me præstandum iudicarint.

10. Leuiora tamen petere nihil vetet, quale sit, obire sacras stationes; aliquid à Deo peculiaris gratiæ flagitare; aut quidpiam simile, sed parata semper ad impetrationem aut repulsam, eadem animi æquitate.

11. Ad paupertatem quod attinet, non minus debedo ex natu regentium pendere, hoc est re omni carendo propria, & concessis vt statura quæ spoliandi se, qualibet ex causa, nihil obstat, aut queritur.

XXV.

*Epistola S.
Ignatij de
Obedientia
ab uno de So-
cietate im-
pugnatur.*

Etsi vero hæc vndeclim de Obedientia effata sub vitæ fine dictarit Ignatius, haud tamen suos eo vñque sensus distulerat, fusiore scripto explicare, sed hoc ad communem tunc egit Societatis vniuersæ, quod ad Collegiorum quotundam eruditionem, ante annos aliquot egerat. Exarserat enim præter modum non paucorum ex nostris in Hispania, & Lusitania pietas, licere sibi crediderant in rebus animi suo ductu regi; hinc eorum nonnulli voluntariis pœnis, animosi magis quam prudentes, valitudinem perdere; alij contemplationis illeci dulcedine, solitudines adamarce, vtrique quo tenderent, quo vocati essent obliuisci. Vtrisque vt metas Ignatius figeret, paræneticas ad illos dedit, quibus manifestum iis fecit, quo se rectâ ire certius crederent, hoc ab ea errare longius, quamdiu omisſa obedientia pergebant iure suo singi, & singulari suo arbitratu regi: repetita enim (quod Deo præcipuum, & optimum vouerant) libertate, præ illa nihili apud eum fore, quicquid postea obtulissent. Verum iis de hoc arguento, quæcumque aut sanctus Ignatius, aut quiuis forsitan alij scripsere, prolixa eminet, mirabilisque Epistola, quam ad nostros in Lusitania anno 1553. datam, Societas, & legit semper, & suspicit.

Hæc

Hæc eius virtutis gradus emnes, digeslos; totamque tūm docet, tūm complanat illius absolutionem. Quare Societati Præpositus, & de more, communibus literis salutatus nos, & admonitus, Franciscus Borgia, vbi de obedientia monere incidit, nihil quod S. Ignatio adderet inuenit. *Quod ad obedientię, virtutem attinet, inquit, (ad quam Societas omnia referi tanquam ad scopum, & vexillum, quæque est eius turris præ ipsa) eis nonnulla fortasse dicenda erant, tamen quia B. P. N. Epistolam de ea scripsit, non utilem modo, sed omni dignam admiratione; quippe cui nec quicquam addi posset nec detrahi, ad eam vos remitto cum hac una voce Euangeli, hoc fac & viues; hoc enim in Domino nobis polliceri possumus fore, ut si quæ in illa continentur præfiterimus, perfecta Obedientia filij nominemur, & simus.* Hac porro Epistola, Sacrae paginæ, ac Patrum testimoniis luculentis, & vi rationum ineluctabili, Obedientiam digerit in tres gradus, alium alio excellentiorem, executioni tribuit infimum; medium voluntati, non operi modo quod iussum est, sed iubentis quoque arbitrio se subdenti; tertium, ac supremum iudicio, eadem cum superiore pariter approbanti. Ad hunc apicem tam præstantem, & celum non euadit, nisi qui iubentem non hominem cogitat, incatum prudentem; sanctum, virtiosum; sed ipsum cuius loco is iubet Christum Iesum. Nec alia fuit Obedientia quam cœnobiorum, religiosæ magistri disciplinæ, pugnanti ipsi speciem, ornarunt nomenclatione, dum sapientum stultitiam, ignorantiam doctorum, consultorum imptudentiam, securum periculum, perspicaciam cæcam inscripserunt. Est enim hæc oculatissima cæcitas, in iis quæ iubentur nihil videre, sed unum in ore iubentis Deum imperantem, acutissimo visu cernere, solumque attendere, qua sane haud dubia persuasione, usque cæcitatibus perspicacissimæ, quām multi vel quondam inter veteres Monachos, vel nunc in Societate sublime fastigium magnarum virtutum attigerint, quis dicat? Sed hi cum suis quique temporibus ipso eius ab ortu clariuerint, essentque notissimi, prodigo par est Julianum quendam Vincentium, Andegauensem patria, & ipsum de Societate, usque adeo insanisse, ut sexcentas in eam Obedientiam comminisceretur stolidissimas accusationes, quas cum ad supra tribunalia deferret, præfatus est sibi curiosus indaganti, fontem denique patuisse, laxitatis in vita, erroris in fide, quibus infestaretur Societas; esse vero hunc Epistolam quandam cui de Obedientia nomen fecissimus, portentosis refertam dogmatis, ex quibus magna religionis veræ detrimenta necessariò sequerentur. Quod pro suæ amentiæ genio tractatum prolixius cognitoribus obtulit, acciditque supra omnem fidem, ut cum aduersus hanc Societatis Obedientiam, non alia vomeret, quām quæ hæretici sæpius aduersus illam edidissent; hi quidem velut animales, & sensu carentes diuinorum, damnarentur, & proscriberentur; Vincentio velut mysteria de cælo adportanti, aures tam credulæ darentur, ut examini subderetur quod orbe toto in confessio erat, ex quo nosse perfectam Obedientiam cœperat, ut Apologia triplici valide defendit Robertus Bellar-

Hh 3 minus

minus postea Cardinalis; adeò verum est religiosos ordines facta domesticorum probitate crudelius impeti, quam profectis extenorum insectantium odiis. Sed hanc, vtpote suam, foro suo causam referuarat Deus, profectisque planè insperato, quod loco narrabitur, in actum ultimum eduxit, infamem scilicet Romæ Vincentij carcerem, quem projecta quodcumque sibi non saperet accusandi, calumniandique libidine quæstificavit.

XXVI.

*Quām perfe-
ctam è suis
Ignatius
Obedientiam
exigeret.*

Ceterum exigenda S. Ignatius Obedientia, haud erat alius quam in prescribenda. Lex illi fuit fixa atque immobilis ceruicosos non ferre, qui buscumque iij dotibus, aut non inibus pollerent, & eiusmodi non raro turmatim dimisit, paratus, vel Collegia integra penitus exhaustire, atque omittere, quām in iis talium quempiam tolerare. Quare Gandiam ad nostros scholares, nonnihil in hanc partem visos deflectere, ardentes dedid longasque literas, de obsequentiā qua veller iis ipsos subiici per quos à Deo regerentur, omniāque hac clausula sanxit. [Cui desit animus ad eam quam scribo parendi regulam expeditus, siue illorum qui istic sunt, seu qui sunt ad eos accessū; ne dempto quidem eorum Rectorē; de alia sane ineunda via, vitāque cogitet, neminem enim capit Societas, quin possit ac velit ad eam formari Obediendi normam quam his literis descripsi] fingendis vero vsu ipso ad illam nostris, iniungebat interdum otiosa; intempestiva; pugnantia; vt concionari, & procuratorem domus eodem tempore agere; philosophiam simul cum grammatica profiteri; coquum ipsum ad Theologiam docendam morigerum habere animum, ad mutandam culina scholam Theologum; accerlebat quandoque Sacerdotes, ad celebrandum iam ornatos, móxque vt exuti accurrisse remittebat, vna quam poscebat celeritate Obedientiæ contentus. Quosdam affuetos in liberiores moras interpretari mandata iubentium, euocabat identidem repente, etiam dum consitentibus aurem darent, quodque ex iis vnu tantisper adesse distulisset, paru abfuit quin acciperetur securius. Sacerdoti ardentiū virginēti, peregrinationem quam sic effictim deperibat negauit, & flagellations aliquot indixit, haud quidem petitionem culpæ damnans, sed eius affectum quam Obedientiæ maiorem: huic illa respondet sat quoque insolita, quam Emerio de Bonis vixdum pœne tironi imposuit mulcta. Degebat è regione nostri templi mulier famæ haud satis honestæ, cui quotidiani erat domus purgamenta ad templi fores proiicere, indignitatem rei aliquamdiu pastus Ignatius, demum Emerio iniunxit (qui vt principio nonnulli, adhuc indifferens ad domestica, & literaria, æditiū munere fungebatur) iniunxit, inquam, vicinam rogaret, aptiore loco fordes depolare. Verum Emerius singulari modestia iuuenis, verecundatus cum ea loqui; quod iussus fuerat, per alium id significauit: quod vbi resciuit Ignatius, pudoris gratiam probauit, obedientiam etsi leuissimè præstrictam virtus est Emerium voluit sex menses cum tintinnabulo ad collum triclinio adesse, & quotidie has voces alte repetere *volo & nolo non habitant in hac domo.* Iam si quis sibi ad genua veniam petens aut penitentiam,

mox